



Isak Davidsen  
Inatsisartunut ilaasortaq

Inatsisartut suleriaasianni § 36, immikkoortoq 1 naapertorlugu Naalakkersuisunut imatut apeqquteqarputit:

1. Nunatsinni organistit sulinerannut tunngatillugu, aammalu nuttarsinnaanerannut tunngatillugu Naalakkersuisut isumaliuutersuuteqarpat?
2. Organistit atorfeqartitaanerat iluarsiiviginiarlugu sulisoqarnersoq imatut organistatit atorfeqartitaanerat tjenestemandit atorfeqartitaaneranni affaannarmik taaneqartoq ilivitsunngorlugu suliarineqassamaarnersoq? Ilanngullugu aningaasarsiaasa iluarsiiffinissaat nuussinnaanerat inissaqartitaasinnaaneralu ilanngullugit atorfvittut ilusilerlugu.

Akissutit:

1. Siorna suleqatigiit nalunaarusiartik naammassillugu inatsisartunut saqqumiuppaat, Naalakkersuisullu ilageeqarnerup aaqqissuuteqqinneqarnissaanut nalunaarusiaq aallaavigalugu ukioq manna inatsisartunut allannguutissanik siunnersuuteqassapput.

Inuussutissarsiornermut Suliffeqarnermut Inuussutissarsiutinullu Ilinniartitaanermut Naalakkersuisoqarfik nuuttarnerulersitsiniarluni aningaasaliissutinik 2007-minganniit aallartittumik immikkoortitsipput (konto pingaarneq 62.04.08). 2008-mut Inatsisartut aningaasanut inatsisissaanut siunnersuutaanni 2011-ip tungaanut mis-singersuusiorsimapput, tassanilu ukiumut kr. 3,9 mio. missaani aningaasaliissutigineqarput.

Tapiissuteqartoqarnissaani makku piumasaqaataapput:

- Nuuttut tassaassasut sulisoqatigiit suliffimminnut atatillugu inissaqartinneqariingitsut
- Nuunnermi ornitami ataavartumik suliffeqalernissamik neqeroorummik akuersisoqarnissaa
- Sulisut piumanertik uppernarsarsinnaasagaat, kiisalu
- Ornitami sulisunik piginnaasalinnik amigaaqartoqassasoq.

25. februar 2008  
Sags nr. 2008-006353  
Dok.nr.38386

Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiip-mail@gh.gl  
www.nanoq.gl/kiip

Sinerissami nuttarnernissamut aningaasaliissutinik qinnuteqarniartut, kommunimi najugarisaminni Suliffissarsiuussisarfimmut saaffiginnittarput, kommunilu qinnuteqartoqassatillugu qanoq iliortoqarnissaanik ilitsersuussisarpoq. Kommunip qinnuteqaat Naalackersuisoqarfimmut ingerlateqqikkaangagu nalilersorneqartarpoq qinnuteqartoq taperneqarsinnaanersoq.

Taamaattumik kikkulluunniit qinnuteqarniartut kommuniminnut saaffiginnikkunik tassani sullineqartussaapput.

2) Kattuffiit imaluunniit Naalackersuisut piunasaqarsinnaapput isumaqatigiissutit isumaqatigiissutigineqaqqinnissaat pitsanngorsartinniarlugit. Kattuffiit Namminersornerullutik Oqartussat Isumaqatigiinnittarfianut saaffiginnissinnaapput nutaamik isumaqatigiissuteqarniarlutik, tamannalu ilaatigut siorna kingunerisimavaa palasit, ajoqit organistillu aningaasarsiaasa qaffanneqarnerinik. Suleqatigiit ilageeqarneq pillugu nalunaarusiaat aallaavigalugu organistinut tunngassuteqartut nalilersorneqarumaarput.

Provsteqarfiit organistinik atorfinitsitsisarput, provsteqarfiillu pisariaqartitsineq toqqammavigalugu atorfinitsitsisarlutik. Piffinni assigiinngitsuni organistit affaannarmik taaneqartumik atorfinitsinneqartarput piffiillu ilaat ilivitsumik taallugu atorfeqartitsisarlutik. Provsteqarfiit namminneq nalilersortarpaat atorfinitsitsiniarnermini qanoq atorfik iluseqassanersoq.

Soorlu eqqaareeriga ukioq manna Naalackersuisut ilageeqarnerup aqqissuunneqarnera inatsisartut ukiamut ataatsimiilerpata allannguutissanik siunnersuusiortussaavoq.

Ikinngutinnersumik inuulluaqqusillunga

Tommy Marø